



MALINA RESPIRATORI Prema naredbi Tužilaštva i Općinskog suda Sarajevo



Naredbom Općinskog suda Sarajevo da se obavi pretres ustvari je dokazana osnovana sumnja • Pretres trajao više od šest sati, šta je SIPA iznijela iz „Verlaba“

SIPA u KCUS ušla jučer oko 11 sati (Foto: E. Hasić)

Prema naredbi Općinskog suda u Sarajevu i Tužilaštva KS, pripadnici **Državne agencije za istrage i zaštitu (SIPA)** izuzeli su jučer dokumentaciju o respiratorima “Srebrene maline” iz Kliničkog centra Univerziteta u Sarajevu (KCUS).

Osnovana sumnja

Pretres je obavljen i u laboratoriju “Verlab”, koji je radio verifikaciju respiratora, ali i prostorijama Federalne uprave civilne zaštite (FUCZ), firme koja je, prema nalogu Vlade FBiH, i nabavila „malina respiratore“ vrijedne 10,5 miliona maraka.

Zanimljivo je, među-

Državni tužioci sve koordiniraju

U koordiniranoj akciji dva tužilaštva u KCUS-u je boravio i državni tužilac Džermin Pašić. On je postupajući



Obavljen i pretres laboratorija „Verlab“

tim, da je naredbom Općinskog suda Sarajevo da se obavi pretres, ustvari,

dokazana osnovana sumnja da je riječ o počinjenju krivičnog djela. Portparol Tužilaštva KS Azra Bavčić za “Avaz” je jučer potvrdila da su obavljene određene radnje u slučaju predmeta koji je formiran nakon pisma ljekara Kliničkog centra Univerziteta u Sarajevu, a u vezi s korištenjem respiratora koje je nabavila “Srebrna malina” te da je

riječ o tri lokacije.

Pretres i pregled dokumentacije trajao je više od osam sati. U „Verlabu“ je SIPA pregledala sve izvještaje i certifikate, čak njih 95. Ovaj posao obavila su četiri inspektora. I u FUCZ-u i KCUS-u su pregledani i popisani dokumentacija koja se odnosila na „malina respiratore“, ugovori s „Verlabom“ i zapisnici o verifikaciji,

kao i dokumentacija o korištenju na Covid odjelu.

Sve ove aktivnosti pokrenute su nakon pisma ljekara koje se pojavilo u javnosti, a u kojem se govori o katastrofalnom stanju u KCUS-u i navoda da se respiratori „Srebrene maline“ ne mogu koristiti za liječenje Covid pacijenata.

Tužilački tim

Prije nekoliko dana u KCUS-u su bili državni i kantonalni tužioci, ali i njihovi istražitelji. Tada je SIPA, koja je, također, postupala prema usmenoj naredbi, izuzela pismo ljekara koje je upućeno Upravi ove medicinske ustanove.

Postupajući kantonalni tužici koji su boravili u KCUS-u su Mladen Vučković i Meliha Dugalija, koja je zamjenica glavne tužiteljice Tužilaštva KS. Oni i vode istragu u ovom slučaju, s ciljem utvrđivanja krivičnog djela protiv zdravlja ljudi. **M. AŠČIĆ**